

睨口齧霜刃足撈飛鋒甌林蹶石扣拔幽叢於是
飛黃奮鬣真育逞伎蹙封徭攢馮豕拉魁黥挫解
馳鉤爪摧踞牙擺瀾漫狼藉顧榛倒壑墮蒺藜山
僵踣掩澤藪爲毛林隰爲川薄於是徹圍頓網卷
旆收爲虞人數獸材衡計鮮論最犒息馬韜弦
肴駟連驪酒駕方軒千鍾電醕萬燧星繁陵阜沾
流膏谿谷厭芳烟歡極樂彈迴節而旋此亦畋遊
之壯觀子豈能從我而爲之乎公子曰余病未能
也大夫曰楚之陽劒歐冶所營邪谿之鋌赤山之
精銷踰羊頭鑠鉞鍛成乃鍊乃鑄萬辟千灌豐隆